

Dyma dy fam!

Bedyddwyr Cymru'n cefnogi mamau yn Ghana

Syniadau codi arian

Bore Coffi ac Atgofion



Gwahoddwch aelodau eich eglwys i chwilota am hen luniau ohonynt eu hunain yn fabanod er mwyn cynnal cystadleuaeth i weld a allwch ddyfalu pwy yw pwy.

Gallech hefyd ddangos lluniau o ddigwyddiadau eglwysig o'r gorffennol, triapiau Ysgol Sul neu wasanaethau plant arbennig, a rhannu'r atgofion a godir ganddynt.

Cynigiwch baned a theisen a gofynnwch am gyfraniad.

Ieuencid yn golchi ceir



Anogwch eich plant a'ch pobl ifanc i gynnal digwyddiad golchi ceir mewn man prysur yn eich pentref neu dref. Gofynnwch ganiatâd perchnogion y ceir cyn eu golchi a gofynnwch am gyfraniad.

Gwnewch yn siŵr fod genych ddigon o ddŵr glân a chadachau a gofalwch hefyd fod yna ddigon o oedolion i oruchwylio.

Galw'r fydwraig



Gwahoddwch fydwraig leol i fore coffi yn eich cartref i rannu storiâu am ei gwaith. Os ydynt wedi bod yn y gwaith ers blynnyddoedd neu os ydynt wedi ymdeol gofynnwch iddynt gymharu'r gwaith

heddiw efo ddoe er mwyn gweld faint o newid a fu. Gwahoddwch eich ffrindiau a gofynnwch am gyfraniad.

Paned i dri



Gofynnwch i'ch aelodau wahodd dau/ dwy ffrind i'w cartref am baned unwaith y mis. Gofynnwch am gyfraniad o £1 gan bob un sy'n mynychu. Petai 10

aelod yn gwneud hyn, byddai'r cyfanswm dros flwyddyn yn £240!

Noson gemau bwrdd



Dewch a'ch hoff gemau bwrdd i neuadd leol, ee, ysgoldy'r capel, neuadd bentref, neu ystafell mewn tafarn (bydd rhaid i drefnydd y noson logi'r ystafell ymlaen llaw) a gwahoddwch eich cymdeithas draw er mwyn mwynhau noson o gystadlu diniwed.

Gwerthwch luniaeth ysgafn a gofynnwch i bawb am gyfraniad.

Sialens y wifren-zip



Un i'r gweinidog efallai! Cynhaliwch sialens gwifren-zip noddedig a gwyliwch pa mor gyflym y gall eich gweinidog hedfan!

Pob un yn pobi



Cynhaliwch gystadleuaeth pobi yn eich cymuned. Gwahoddwch eich pentref neu gymuned i gyd i gymryd rhan a gofynnwch i rywun enwog farnu. Gofynnwch i bawb sy'n cymryd rhan dalu £1 am bob ymgais.

Gwerthu stori



Cynigiwch wasanaeth eich storiwr gorau i'r feithrinfa neu fore mam a'i phlentyn lleol. Gofynnwch am gyfraniad.